

安般移詩續鈔

敘

湘鄉曾公感厲詩云丈夫求志動渭莘何用蟲魚自損神
賈馬杜韓無一用豈況我輩輕薄人曩先師興化鎔中允
嘗舉以見語謂其言闕實可以救藥世士競銜春華不務
秋實之病爲之腦後下一巨鍼端恪沈闇齋先生曰詞章
之士枝葉繁多根本欠缺諒哉斯言鏤冰畫脂浮華相扇
締章續句壯夫不爲義理未昭晰於中徒逞妍於字句往
往兩頭明中間暗乃前賢所訶斥爲輕薄人者也所鉞薄
爲根本欠缺者也可不憬然知悔哉法不孤起仗境方生
偶以之頤性寫心則猶之可耳若一味耽溺便大害事虛

費日力有妨正業此學人之通病不可不知也書之簡端
用自儆敕焉甲午長夏十九日芳郭无名人識

癸巳小除日立春是日霽晦愁坐無憀校此一卷欲以自
遣然閉戶欲推愁愁終不肯去混混與流俗處何時兔脫
投林了袖手風簾閣市人乎祝茲隱吏湯題卷端

安般集

詩續主

出門

紫闕

張乳伯場尹

行字

來都下夜造訪之有作

次韻乳伯見贈

乳伯又有詩來再答之

題白下駐防炳煦村司馬重遊泮水詩冊

六月六日喜雨

小閣

寂照寺有牛車曰陸地慈航富陽相公遺製也敬讚

以詩

喜雨佳晴詩

池上

夕坐

覽郡志

荷花

偶書

野望

簷林諷經

七夕詞

代簷林作

和

次韻朱楚白常博

前

報罷後和予落卷詩

辱和再答

跋殘帖

楚白復疊前章韻挑戰再奉和

戲答楚白

詩後又題一首

追憶劉中允師栖道院日事作詩

寄輓歸善鄧公

送屠敬山太史南歸

苑籞桂花

小漚巢不寐作

贈承子瑞曹郎

寄題白雲源中村舍

談問渠戶曹面南下窪起樓三閒可以眺遠索題句

和陳雲泉賦得村落迤白雲

和五代楊少師花如覺性圓詩

謝王葦塘大令餽丹沙

題薈林君仿金孝章畫梅花

九月朔日獨遊天甯寺

題點蒼兩石屏

次韻答諸遲菊同年

失馬戲作絕句

答劉黥庵何霞客

題江子屏小像

戲爲絕句

牆棘行

答星吾餉貢橙

安般經集

詩續王

漸西无名人撰

出門

壬辰夏

出門悵悵復何適
吏舍囚拘至日曛
道以曲全安用直
身將隱矣轉資文
藥欄綻後春無迹
楸榭花時夏已分
節候差排成
老大小軒風定臥看雲

凌子與云三四文外曲致讀者勿誤切爲江西野調

紫闕

紫闕森霏海氣漫
珠杓倒浸斗闌干
池光忽現諸天淨
夜色誰知上界寒
林霧乍含燈隱隱
禁鐘遙度桂團團
千門次第傳魚鑰
仗下傳呼列散官

張乳伯場尹

行孚

來都下夜造訪之有作

落拓天南一尹珍忽因轉粟入修門竹西往事渾如夢研
北窮愁尙有身世法拘人禪裏蝨交情响沫轍中鱗誰知
發匱傳書在一卷瑯龍妙入神

次韻乳伯見贈

頽然老去各頭童無復深杯倚渴虹倘買江南黃篾舫及
君歸隱與俱東

坐厭東華跼輒紅不如養性逐王充五君標目分明在厲

意何曾數阿戎

凌云當有所指

又

莫更刀州夢阿童浮榮起滅幻於虹勸君薄宦何堪戀心
與江流日夜東

會訪茗中楓葉紅幽栖服食氣常充右軍不問人閒事一
味晶鹽但乞戎

又

那有還丹頰變童壯圖無復氣如虹著書辛苦誰傳得滿
紙人嫌肖潛東

君深於籀篆
形聲之學

淺酌春醪荔子紅詩腸脫粟但求充卻愁句僻箋難解杜
律新題萬里戎

乳伯又有詩來再答之

絕妙新詩觀海童
沈身下吏似藏虹
竭來曳杖天橋立
平

蔡還須此隴東

世語隴東隴東
卽龍鍾之意

花前秀句鬪輕紅
那問餅中粟不充
待與卜鄰西塞曲
兩
家籬并簇戎戎

又

何日機門遣牧童
具茨車蓋景流虹
試詢道術童能對
陋
彼商顏綺與東

老子顏改鏡中紅
日課砭情性自充
知否阮生工慎口
卻
防魯酒便興戎

又

他人文似赭山童君獨飛騰氣吐虹若使宏詞科再舉應知竹箭復生東

阮亭禊社小橋紅行取旋看館職充他日身榮猶未晚待

君雅操奏平戎

乳伯服官揚州故引王司李爲比

題白下駐防炳煦村司馬重遊泮水詩冊

二定林間堪卜隱水花楓葉晚蕭蕭前朝迴憶諸生籍有子今乘使者輶魚戲更無同隊在熊經偶試祕方超襴衫八十如年少泥飲甯辭田父邀

青衫作吏白江州舞袖迴旋郢國游屏跡早耽荷芰服帖經重覓藻芹儔憂時十策餘雙淚閱世千場付一漚亦卜

迢居治城路幾時亭訪割青幽

六月六日喜雨

去年秋末還徂夏久旱低田兆坼龜自是

穹慈終愛物

上竭誠禱雨四次忽蒙滂澤更無私瑤池碧瑩荷千蓋礪椀圓浮

茗一旗眞慰三農甘滿缶濃青怒發稻連陂

小閣

長夏六日坐小瀝巢作

小閣無人問齋日篆煙一穗不焚和覺來蘭箭微含露望

去簾旌欲作波新梨几宜臨絳帖小欄干正界青莎

晏元獻公

庭莎記語荷閒驟雨終難涇池上輕雷瞥已過竹繭綻痕蛾待

化萍皴開處穀微渦淨因夙自瀉山受戒律新傳育塔苛
笑電乍從窗外捲夢雲還向隙中趨樽空堪隱沈冥客棋
罷留看斷爛柯試問朱門與蓬戶不知誰最得春多

譚仲儀云

通體談
宕豪逸

寂照寺有牛車曰陸地慈航旦則住持督一力出之
郊垌遇暴飢則畚而致之寺後廢圃聚而殖之詢其
緣始乃富陽相國遺製也仁人之用心其岐溥哉敬
讚以詩

相業照江介匡時妙經綸乾嘉全盛日文物無邇迤餘澤
被枯骼良工課輪人前後無軫帷製樸形模新緇流職督

察一力驅麟麟朝出畚暴露夕還厚衣薪至今守遺令法

簡良易循賢哉文恭公煦物何其仁

妙光閣及兩浙誼園供旅人族葬地皆董

公父子

華胄降阜隸傷哉寢邱貧仁者濟一世不求濟一

身公心自肫篤萬古不可泯洄洄富春渚觥觥懷先民丹

青劇難續淵著留精神逸事猶可補蔭映後來人

凌云此

關

喜雨佳晴詩

皇帝御極愍農疾苦吁嗟

雲壇肅肅籥舞百靈効職六氣順呂金穰水毀謹候錯悟

五月乾封種不入土圭璧誠祈駿奔穹宇缶甘旣渥田畯

樂醕螺化爲魚荻肥勝乳有卜豐年保我生聚亦畿童安

迓天之祐餘霖未已連宵徹曙

凌云螺化爲魚用丁魯齋說

帝曰傷潦吾毗何屬禱祀孔虔陪位偃俯霽然雲開清風
扇縷豐隆收聲羲和旁午效澹焦原岷藏礪戶霄崢披豁
霽捲八部乾端坤倪元氣飲吐百昌倒植佳穀麗土民祝
消疵農慶豐稔於

皇壽考德澤覃布曰暘而暘曰雨而雨感不旋日

聖作物覩應不以文仁週利溥遂開明堂庶政具舉招招
善旌逢逢諫鼓登崇俊良禮遇丞輔威輝有截如檄約弩
左言侮食來習簋簠

臨雍拜老雅樂搏拊協氣清明雨風十五亭毒羣品節勺
眾甫小臣述頌兼襄田祖漿重金輕德博岐普大濩贊

湯醴渠頌

禹蹈舞矢音仰規臣愈

池上

微風裁動竹積雨欲生魚萍合陂逾綠榴疎綻更朱道經
攤晚几禿幘引晨梳吏散喧中寂書妍直復紆忘懷去來
際朝市一江湖

夕坐

修篁已生孫苦柏未餐子纂纂琅壓籬潏潏荷貼水溼雲

乍歸嵐飛電俄照几餘情含疎林眾籟夕未起涼生簟漪
碧潤入落紋紫蕭然坐捐書自適而已矣

覽郡志

空餘釣壇迹講帙不可尋

景定續志云宋純祐中知州事王秘趙汝愚修葺釣臺書院以

課士賢守誰當繼勸學垂良箴傳聞羊裘翁霽宇懷冲襟直

鉤蹲水陽綠簑耕山陰至今風颯颯孤松作龍吟厓蘼被
紅紫嶂竹杳森沈濺濺白石瀨撼撼青楓林招隱久不歸
佳期夢登臨增波引舟阻旅興入秋深徒酌荆卿酒難忘
賀監音里閭幾遷變石闕長寄欽惟假圖經閱一廡東歸
心

言部三
二
荷花

滿盞新荷葉精英聚一花平分華井碧何減武陵霞墮瓣
妍逾潔鮮蓬整復斜眞如老禪客爛漫說恆沙

偶書

幾莖瘦筍闌籬根無數纖蘿上短垣漫土聽經曾踞竈貧
家曬藥亦當門紅蓮綻水香猶沁綠竹搖窗影自翻欲治
幽憂仍未得飛蟲粘網不聞喧

野望

漢陂樹樹生秋色杜曲山山罨落暉甚欲西遊石壁寺還

憑御者問何之

此楊景
度語

舊林諷經

心似蓮花無復染手繙貝葉不曾停一回梵夾千回轉乞
母生天仗佛靈

七夕詞

代舊林作

疑有神光合復離迴看下界朱成碧人間役役幻悲懽天
上浮浮盪精魄銀漢何曾觀面皺靈斐幾見吟頭白朝來
猛雨洗雲輶夕泛流杯歆瓊液衣香散作餘霞靚桂影攀
翻廣寒塢昔愁一水阻盈盈今聚兩情同脈脈玉堂金闕
不可見笑電流雲晦冥積微聞笙鶴和鳴機杼斷芻尼引
槎客

今年七夕連雨霽晦
停雲亘空了無所睹

亦有人閒萼綠華針筵乞得棗

言部三
如瓜散花欲伴維摩老吹竹長栖蕭史家訪道誓同靈鷲
住齋心不礙白牛車妄身已悟甘蕉脆妙諦參尋焦穀芽
欲乞精靈迴絳節不寒信誓證疎麻長持碧椀冰漿禱訣
蕩天門未覺賒願作穿沙連理竹清瑩徹骨思無邪

和

何處山青更雲白能令偕隱同其適蓬萊清淺幾揚塵金
母緋桃爛難摘欲爲乘傳責西琛胡騎千重萬重隔龍沙
疇割河源界消息還愁困槎客淙淙孔雀口分流玉斧畫
餘窮地岬以上廬近日英人俄人爭西域事惟餘劍氣衝
車微外乾竺特帕米爾諸部落事
南斗分野猶看南戒守牛雖不肯服箱來女還軋軋鳴機

砌碧欄干外拜雙星
澱澱針盤雪
瓜藕朝來蛾綠如花豔
夜鏡秋霜生鬢首
世間兒女總頑癡
控鶴藥煙復何有
倏
爍晦冥風雨作
帝旁玉女投壺負噫噓
笑電掣金蛇虎豹
天關匭函朽
昆明池水沈雲黯
織女黃姑阻
薜蘿蘭臺執
法斷來章飛蝗在野
星在罽樓船日耗水
衡錢太白女媧
誰執咎侍臣舞蹈白雲杯
天上好生千萬壽
人閒豈無漆
室女清時石闕虛
銜口衝泥鞦韆
叫柴荆
感子下機雙淚
并爲作楚騷
哀怨調椒漿
桂酒醑精靈
靈修連蜷遠猶見
華采銖衣爛若英
重爲告曰靈之來
兮與天地以比壽
與
日月以齊光
超天河兮洗天駟
排浮雲兮暖上征
左豐隆

兮韉鸞馭右薜翳兮揚霓旌靈之去兮若長麗之歸丹邱
神龍之拂太清結翠羽兮爲佩屑水玉兮爲糧夢煥靈匹
兮萬萬古寥兮廓兮超勿荒忽倏不見其音形天地解兮
六合開眇眇予一身兮宛若渤澥之流萍何方可樵兮何
山可耕戕思林兮伐智樹避語穽兮夷心兵或負戴而逃
谷亦瘖聾以闇行採春蘭之瓊蕤兮餐秋菊之金精禱靈
星之無旣極兮服六氣而晞攝生

次韻朱楚白常博

珩

報罷後和予落卷詩

避風銜羽似鴛鴦同困人間語穽苛園令不逢楊意薦習
之甘被藥山訶笛材塵黯誰湔拂劍氣沙蕪幾折磨厲直

連宵同聽雨姑遊物外莫焚和

辱和再答

下彬譏切但嘲驚律萃羣公氣象苛鉗我雖非荆國醴失
侯那免霸陵訶沈鱗羈羽君仍逸短簿髡參我畏磨賴有
風流李元禮不教奇壁川荆和

順德侍郎極重君
謂孤往有奇氣

又

冰天八月已翔鷺絕塞螭螭斥堠苛蠶革甘英通譯語撐
犁歐九免嘲訶北條爲我疏龍岷南斗甯終困竭磨括盡
金微歸袖底圖成志可補元和

時當軸延君校勘地
圖討論沿邊要害

又

池上嘲騰鶴贈鷺戲拈窄韻律嫌苛久穿東郭先生履漫
引毗耶居士訶世樂已忘腰帶適憂端不受俗塵磨銅山
試叩鐘應洛挑戰才高未肯和

跋殘帖

王家羣從亦名鷺餓隸嚴家法更苛耶竹會須周撫致家
雞似畏庾公訶崩雲團團留丹碣缺月娟娟隱紫磨一卷
叢殘顏色黯朱鈴字已蝕宣和

楚白復疊前章韻挑戰再奉和

書生善眩出籠鷺詩將頻挑責戰苛四海彌天習鑿齒千
聞一見蕭摩訶和章幾欲窮牛鐸生事何嫌困馬磨却斂

辱軍迴守險天方授楚未連和

又

何當對酒汎新鶩跌宕舳舳號令苛玉女每教投矢笑金

吾不怕守關訶

君昨夜出城未歸

吾儕留落非天厄吏舍囚拘任

運磨秋色城南絕蕭洒勝游風日攬妍和

又

不須曇礪寫經鶩日課鈔書程自苛九大洲眞窮彛衍四

天下更說摩訶雪山冰嶺有通塞紅海碧銅相蕩磨紬徧

湛然居士錄肥城酒美土風和

移刺中書令駐守尋思干最久尋思干譯官肥城卽

西遼主耶律大石建牙之河中府也君方考證元史西北地名附錄故及之

又

欲迴劫運狄泉驚蕩滌章程去吏苛還見雍乾全盛日盡
蠲關市重征訶吾邱東馬旋登進贍部西牛漸剗磨天下
政須公等用會陳十策致康和

又

勁句攻堅似木驚卻防掩堞逼周苛詩開靈境耆闍崛木
采炎洲梨勒訶晚竹牆陰金璫碎殘荷海色鏡湔磨期君
更獻饒歌樂九扇天門蒸太和

戲答楚白

高樹臨曲池綠淨萍帖帖鼠寂乍窺檠蟬殘猶翳葉竹閣

有畸人圖史勤蒐獵目窮雞塞遠迹與龍沙接祁連方鄣

收須彌芥子攝蔥雪既分條丹黃遂脍篋金阿林東西木

素嶺稠疊蒙古語阿勒台鄂拉金山也國語謂留犁撓

新酏胸布裁軟氍臺餘李陵築碑泐裴岑捷冢或象笑盧

衛青起冢象廬山廬當為廬趙充國傳旁塞至符奚廬山即此山也槎思汎伊聶西使程不

刊劉郁西北征血嘗喋金幼孜海青賜奇毛天馬汗朱鬣使記

時清暖柳邊道泰歸冀茨甘泉列邸開長組遠胡鶯君今

迫官程探隕乃如諜其分柔日光屢角強韻健琤璫樂石

撞騰擲浮雲籥終嫌鏤冰脂兼畏譏目睫何如木野狐宋

目棋枰為木野狐坐隱銷疲茶官作自有程亦厯旬屢浹

比須相料理勿挂西山頰且斂六翮翔攝以風一筵不見
明修史濂禕猶蹠躩成書課倉猝令甲督編牒趣期董而
理如亂髮受鐻方欣新涼敷已失殘暑憎燈火漸可親戊
籤發雲笈

詩後又題一首

海南畸士獨弦歌禪病兼防詩入魔屈後黎前有津逮句
奇語峴復如何經生誰折朱雲角木佛亦困丹霞訶我欲
忘言似摩詰坐觀君口若懸河

君廣東花縣人故
引翁山二樵爲比

曩吾師劉中允栖道院止攜一炊家子每隔扉連呼
之不謦予請笈治先生听然而笑曰老夫自爲京朝

官至今受家人譴訶多矣漠然無所鑒于中殊不失
其大常也追憶作此詩

光風汎灑到傭奴寂漠先生踞竈觚不與王褒續僅約幾
疑田甲盜靈符有時塵泥青精飢無意芟除碧草蕪戲借
先生鐵拄杖橫穿牛鼻應傳呼

寄輓歸善鄧公

那堪秋日聞南耗雲散江郊釣石空直節無人壯臺省窮
交有淚灑枯桐幅巾此日風流盡尊酒當時逸興同嶺外
崎嶇標一柱界圖猶憶樹邊功

文昌潘老久無書況悼鵠臚性韻疎勁竹摧殘顏不改名

山樵採約仍虛幽光翳餽終當曜浩氣風霆縱所如祇惜

元封文武盡金庭屈軼久應儲

譚云微言幽思

送屠敬山太史南歸

文律精思句入予贈言貽我碧山鮮要令科目因人重已
得孫洪老宿傳除道行持翁子節思歸乍泛季鷹舩甘泉
法駕須陪從卻待重來奏賦篇

苑籞桂花

栗影半林黃森霏島嶼長誰移小山種來作液池芳露下
金莖潤風含別殿香遙知月中落倚樹有失剛

譚云初唐高唱腐意

佳自

小漚巢不寐作

夜窗岑寂少清娛一似霜松意味枯
暗壁已瘖蟲唧唧高枝乍泐露塗塗
鬼嗤人作千年調佛與魔空一句無
深媿長年未聞道湖樓但憶飭雕菰

贈承子瑞曹郎

鹿裘七十有壯容日採菖蒲花紫茸
不厭青衫霜葉槁長楊同聽一聲鐘

又

先生學道有所得閱世浮漚不計年
好似前朝賀水部東封手版訝神仙
賀元石晉時爲郎至宋眞宗東封岱宗日
年已一百七十歲投手版伏謁俄邂逅不

言集二
知所之上急遣中使
物色之竟不可得

寄題白雲源中村舍

礪戶竹差差炊煙乍起時山蟻拾秋果翠鳥颺晴枝沙淺
浮槎閣林深牧笛吹應教小兒輩能讀楚騷詞

談問渠戶曹面南下窪起樓三閒可以眺遠索題句
縛茅面勢拱穹壇蜀客登臨眼界寬地近憺園秋禊過
近虎坊橋國初窗收窯廠葦風闌綠漪野色來千頃曲
崑山徐尙書故居

燕清香寄一官難遣邨筒佳酒致潞河郭索且登盤

和陳雲泉先生賦得村落通白雲

遙指前村路蒙龍罨不分微通黃葉峴半入碧山雲竹翳

牛涔跡落迷鹿柴紋菌芝蒸地出雞犬上天聞攬勝藤爲
杖尋幽荔作羣猶能觸石雨持獻 聖明君

又

野心誰綰住一片度山雲近落通樵徑遙村曖夕曛嵐光
當戶映松吹隔溪聞杳靄牛羊下參差煙火分路高行木
杪垣古繡落紋招入簷端宿村沽賽社枌

又

高下數家村村村多白雲縈青山色好繚白石根分峰轉
塔光曙溪迴樵路曛人行畫圖小天近佛龕題爲錢起
伊陽田舍龕之句 空翠侵衣潤幽禽隔屋聞仙源疑乍到
榭葉落

紛紛

原作

武義
陳樹椿
雲泉

莫辨山前後環村鑠白雲遙通呼吸氣近玩卷舒文怡懌
期無盡冲澗望不分吹笙隱鶴馭觸石訝羊羣地隔紅塵
淨家操素業勤溪南有來客田犬報人聞

又

早識滄洲趣村居侶白雲歸來稱地主舒卷望天文雞黍
簷相向魚鱗狀易分晴嵐披絮出野饁帶煙耘濃淡迂倪
畫高低小李皴待予行采藥物外趣長勤

和五代楊少師花如覺性圓詩

海棗垂垂實浮萍箇箇圓未能栖淨業且辦學神仙

謝王葦塘大令餽丹沙

飴我刀圭換白髭深崖篝火出神奇遠來蜀物殊相厚持
語夏蟲應未知仙吏不煩勾漏乞祕方教覓外臺宜忽思
采藥名山去久與丹楊許遠期

薜蘿君仿金孝章畫梅花一枝瘦硬屈鐵頗有瀟灑
出塵之致因題其上

并無翠羽伴橫參想見孤山深復深絕似藐姑仙獨立吸
風飲露不依林

又

半枯鱗甲鏽蒼苔曾向遺民卷裏栽應爲幽燕長顏色一
枝寒谷喚春回

九月朔日獨遊天甯寺

精藍久不到鹿柴已俄空
援菊開林曜欄藤遶架慈塔鈴
馴野鴿僧衲挂長松窗虛數峯見林交微徑通梵罷祇園
寂杵荒軋蘚叢風梢石壇偃井岬乳泉融像禮華嚴勝幢
漫篆刻工土潤畦蔬綠霜懸山柿紅悠悠北去雲杳杳南
征鴻獨對寥天一無機惟抱冲

題點蒼雨石屏

老樹秋厓裏枝穿入厓腹雲罅隱奔泉飛流幾千斛

遠山雲似墨疑挾雨痕飛曳杖何人立磯頭看翠微

次韻答諸遲菊同年

別來不記幾甲子但憶同登鳳唼堂蕭爽君過吳市尉湛
冥我託漢庭郎一編詩厯鐫雙璧三續疇人衍九章題徧
支硎光福勝清才如海不容量

宮槐黃葉謁延秋特薦資高孰與儔再入金門方謁
帝重來稷下折談騶傳書已滿猗玕篋閱世將宗柱史柔
待博弦歌闢三徑飽看濤勢曲江頭

雕菰湖墅夢痕荒竹閣參差倚柏堂少壯游鞬躡高李聯
翩社課角錢郎誰知老禿霜欺髮那辨雄心露上章輸與

譚長挂冠早簪書盈尺故難量

仲修新寄來半
厂叢書一部

多君皮裏有陽秋作賦滋崢嶸揚馬儔試吏不窮囊底智華
身奚待車前騶才人竟嫁邯鄲賤揖客羞爲夸毗柔且作
長安十日飲醉留東野肯回頭

失馬戲作絕句

老來行步本難工誰悟盈虛塞上翁爾欲賦閑胡不告瞽
然收拾市朝鞦

淡云大有隨物寓
興沈洋自適之意

又

絡頭似厭金籠苦此去逃空不可馴倘與畫牛同一韻隨

方水草得閒身

用陶宏
景事

答劉默庵何霞客

凍雲壓簷寒日微，暮雀遶舍疲吏歸。廿年灰冷百僚底，柱
史新沐髮未晞。初猶文句自娛適，刻雕眾形和天機。邇來
筋力漸衰憊，怯拈強韻心先非。朝唏莫啜茶，暫役節行久
弛隳。弦韋賴得懽，山雨騷客高才脫。略相驂駢，楚然不鄙
狔。犢劣壇塾對峙開，緇幃誦聲朝課出。金石講義夜授陳
珠璣，何君落筆治萬象。劉子抽鏃摧重圍，散官昨失北窗
馬。歸逕踟躕寒因依，忽枉新詩雜嘲諷。清詞斲雪開森霏，
君不見杜陵翁官馬送官徒步歸。我餘一蹇飽蕢豆，深媿
前賢朝忍飢。又不見陸務觀規作牛欄衛，營扉無錢一笑

且罷役早乞祠祿辭塵鞿古人貧有甚於我襟抱灑落八
極揮憊我無能爲古役學儉道不能自肥兩君鞭笞開我
意冀起癰疾瘰癧瘳行年長矣未聞道畏友夾持蓬麻幾
吾聞毅豹之失不鞭後內雕外褫形骸非不求放心求放
畜輕重倒寘孟所譏誰珍內宰捐外物息紛解驚坐養黃
庭暉與君同參去害馬浩然翱翔乎襄城之野具茨之麓
餐和飲濯雲爲衣

凌云借失馬一事起興
擬意精闢造言詼奇

題江子屏小像

惠家紅豆託宗工汪子遺文華苑融強爲承師分兩派豈
知空閱更來風

又

風姿饒有承平態自寫羣書募殺青卻笑南城無揖客
濱洲振笛有誰聽曾寶谷間校刻全唐文館吳山尊薦江先
生入館書云無論鄭堂經史之學足備顧
問卽下至吹竹彈棋評骨董品磁器煎胡桃油作鮮卑語
無不色色精妙足以娛貴人之耳目云云然南城卒不見
收錄時嚴鐵橋亦以不得入館負氣去撰全上古三代漢
魏六朝文鈔目錄收羅極富欲以壓倒唐文館其兀傲之
氣不可及也而南城之好士概可見已

戲爲絕句

扳桐刮掃神仙窟驚嶺茶毗釋子輓別造一番魔世界乾

坤爾許大能容

時中俄西域邊
務紛紜未定

有名未若隱無名物累都捐身始輕喚取支公花映發逍

遙遊義挂頤聽

儒家每斥兵家術誰省威弧變火攻欲用九流惟去短史
譏寡要有深衷

紛紛名字盜齊洲霸業成時諱竊鉤所患出人深慮表幾
家能爲子孫謀

胡語澄公狎海漚出關老子策疲牛何方可隱惟方術針
孔教藏芥作舟

牆棘行

寒雞未號霜月璨冬夜漫漫何時旦窮官屋止破書堆夾
壩居然窺几案

西藏語稱竊物人曰夾壩遠鄰凍吠聲如豹醉尉不訶

生積玩晨興雖未損一物飢僕凌兢竈婢歎有人叩獻羹
底智試護鄰垣阻踰竄喚取郊垌斫棘夫滿擔叢叢刺菱
半急求翻使故居奇予直仍令助乘塲宛葺衣茅次第更
又如鉤子參差貫丸泥不啻關紫荊惡少何憂工赤彈覆
之薜荔女牆低用等蒺藜胡騎斷誓生自謂出奇策坐待
宵人攬手爛豈知肱篋智多端持此周防甯勝算末世徒
憑三尺法邊籜幾見重門扞吁嗟乎函牛之鼎不使蟻措
足酷若申韓且拯亂

答星吾餉貢橙

殿前玉食有輝光延閣仙人手寄將猶帶嶺南新摘味白

沙祠畔滿林霜

安般移詩又續鈔卷五終

安般箴集

詩續癸

和麓泉用玉溪生韻寓意之作

遲庵公在休沐中數月出示散花圖命題

久不歸禮掃 先墓書示弟姪

宿留

頌篋笈

題竹柏圖爲江節母壽

蔥嶺雪山閒界務未定楊萸裳侍御

宜治

奮然請行

戲作詩趣之

憶舊山

欲倚

題友人文室散花圖

小瀝巢

仿半山
老人作

蒙

恩擢爲鄞郡監司敬述二律

春興

里人箴箋新示一札

悠悠

答永嘉徐戶曹枉投之作

久潤

春遊漫興

漫書四絕句排悶

集句贈宛陵進士呂槿塍

將泛潞河留別子培子封

答子培枉示之作

荒村

晚至楊村宿

感舊

有懷海南潘孺老

陪淝陽使相讌集之作

道中書所見

車中望西山頗爲薄雲蔽虧不甚明了

過野寺用前韻

漫興

題傳笏圖爲翁弢夫閣校作

致仕前侍郎黃丈李侍御繆太史盛祭酒沈秋曹王
樞部諸公先後在城西祖帳爲平原十日之飲率賦
爲謝

留別小澗巢

題陽明洞天圖

元人黃子久畫

別園中草木

安般集

詩續癸

漸西无名人撰

和麓泉用玉溪生韻寓意之作

壬辰冬至後

厓絕丹梯不可輓
碧城天半但聞鐘
飛龍出骨心原苦
遠黛施眉俗喜濃
腐芥性難收琥珀
銖衣手自製芙蓉
洞天祕籍無人讀
客有書銜署大蓬

又

青鳥傳書喚不來
袖銜瑤札篆驚雷
驍投壺裏天微笑
輪轉腸中日幾回
松子隨煙無特操
葛陂騎杖不仙才
歸依只在琉璃域
參取瀉山爆豆灰

譚云以情迴矯變學義山智過其師乃能傳法

言集卷四
遲庵公在休沐中數月出示散花圖命題

誰說淨名居士病分明談笑卻千巖狂花客慧憑都掃心

折菴羅半偈師

公自號半
禪老人

飄瞥神光合又離香南雪北見威儀不須更倩纖長爪卻
值蓬萊清淺時

翩如乘霧出驚鴻蹴躡人間色相空參破一重公案徹鱸
煙續續月濛濛

八風處處是日用莫笑繩床只半弓鬢影花光同一淨手
拈有漏碧翁翁

再升說法率陀天揮斥浮山九帶禪與作人閒清淨眼誰

知坐破一條氊

久不歸禮掃 先墓書示弟姪

儀曹摧颯南遷日 漸安支離北去時
迴望長傾寒食淚 荒林峻島隔山陂

宿留

墓前告誓竟何如 員石臺卿遠遜渠
寒夜起挑將炮檠 齋心嬾對半殘書
懸疣來日終須決 病葉經秋偶未除
縱挈

鴻毛難比並何方 針孔一逃虛

譚云深雋

又

歲墟依隱那能妍 陞楮沈浮不計年
未辦新巢養疲芥 誰

明燎玉有貞堅人生驚炙終爲累影事龜毛亦自萌明日

倘容投劾去林皋適志便欣然

譚云志隱詞顯一
掬清淚將成冰

頌篴窵

厲言里社有高輶篴老差堪侶醬翁工遜自關天所授眞
清始信物能容萬年古井養秋水一道飛泉界碧松獨爾
眞遊超物外俗緣何日許相從

題竹柏圖爲江節母壽

枯桑知風百昌病竹柏蕭然獨也正青葱峭蒨不知寒雪
虐霜饕餮眞性眞宰不隨寒暑遷何甥謝舅兩俱賢高枝
屈鐵老風格筆妙能將母意傳昔時一鳳將雛九臧圯崩

騰疲襁負連天烽火幾播遷弊麓遺書猶篤守

吳中辛酉之亂節母

攜三子避難至江北他物皆棄獨守遺書數篋不忍棄卒教諸孤成名節母力也

亂定歸泊下溪

廬機聲鐙影課紉書優龍劣虎門終大截髮刈蔥誰得如

諸郎摘髭取高第慈明無雙姘眾菰

謂建霞太史

養堂潔白飯

青精菜絲斑連工芟製筍將扶掖度京華江夏終迎羽葆

車兒草天書趨夜直婦和羹雁飲朝霞譙集勝流皆起舞

祝無量壽詞高古奇玲自可例三松花雨還看霑八部竹

實離離老鳳餐西來柏子廟銜殘捧觴歐九娛親雅猶寫

韓文舊本看

蔥嶺雪山間界務未定楊萸裝侍御

宜伯

奮然請行

戲作詩趣之

楊侯高不踰六尺心雄萬夫建奇筴欲窮冰嶺試芒屨目
極天山工指畫乘嶂將賞隔歲糧奮髯思度流沙磧試問
阿母河邊筏渡人何如若耶溪上樵風客且看徼外青壁
高千尋定添勒馬題名迹李風子後得楊風李雨蒼都護
好遊山足迹
自五嶽四鎮外以勘界事涉厯天山木素
爾嶺西金山皆窮探其勝今之振奇人也異境仙靈賴君
闢雨髯客狀絕奇偉五翎候徒皆辟易磨厓老筆作龍虵
留與後人錄金石列城戍尉佩刀迎來獻留犁酒重碧眼
見蜀物市胡柯手寫方言通象譯鉤陳測地立方開玉斧
劃河漿堠斥嗟予老矣猶思杖策從一探絕域佐盧籍借

彼木公樹上長生瓢拾取金母筵前爛桃核爲君點勘西
游記坐使埒井之蛙東海之鼃疑團釋楊髯聞之笑絕纓
三十六城圓徑尺會當睨柱割秦城否則運奇歸趙壁定
分兩戒絕山河不使丸泥蹙疆場試觴易水送酒人一爲
歌行歌祖席傾城追餞車如雲遠樹清暉帶行客去時驕
馬錦連乾歸日起家霜列戟羣山王氣方復來蜿蜒鞭指
餘霞半天赤

譚云有波謫
雲委之趣

憶舊山

山雨山風落翠微溪晡溪曉破森羅夢中腸遶吳閭關陌
上花薰錦樹衣溪挾百霆迴箭激山垂兩乳勒驂駢枉帆

若遣過山下莫笑橫江一鶴歸

欲倚

欲倚句文爲鼓吹翻嗤陶謝尙枝梧天游六鑿環相困囊粟三年錐也無不使廷爭酬造化何當樸直乞江湖無人寄與疎麻訊惟聽昏簷凍雀呼

題友人丈室散花圖

紛紛絳霞從他撒的的紅蕉幾許堅居士身心兩無著霎時一箭過西天

舞態從教出萬方一龜早晚但搗床阿誰參得機鋒透釵釧聲來不隔牆

小漚巢

仿半山
老人作

漚巢自有主我作巢中客
客主各無心虛緣但湊泊
厭聞世語喧依汝栖岑寂

蒙

恩擢爲鄆郡監司敬述二律

黃山雲海神仙窟丹洞淨邱夜敞門
許乞一麾尋乳穴迴看三署認巢痕
濫分符竹叨增秩自省庸樗恐誤

恩更有風枝劇淒斷杯盤祿不洎親存

又

東南杼軸其空日卮漏疇分

聖主憂時局貼危疲尉歎吏能淺聊故交羞弦歌敢計資
三徑人海從嗤損一漚誰雪書生純盜恥頓邱赤棒不煩
求

春興

癸巳

紙鷲風裏春人集繡轂銀鞍望不分亦有眞觀南郭交晴
空搖颺一絲雲草窗綠未條風扇花市紅先夕照薰翰與
園公機趣逸井欄抱甕課長勤

里人篋笈新示一札云云藥拈爲韻語適可諷誦錄

而存之以銘座隅

譚云不必入詩集
按云亦詠詠有致

道之眞以治身不以利累形不以物役神常騰騰兀兀超

然萬物之表一日復一夕一昏復一晨齊垢淨爲一致處
窪弊而常新蓋鴻冥而蟬蛻不忤俗以宅眞眾人昭昭我
獨愚屯俗士察察我獨若惜太虛爲室而明月爲燭眞宰
爲主而形骸爲賓物我齊邪得喪均邪或欲竭七十二鑽
之力窺其底蘊而廢然口呿舌縛殆終無以測其爲人

悠悠

鴻蒙何日挾雲將斥鷃卑栖笑搶枋宗慤得州裁斗大趙
咨人地只升量菰蘆中豈無奇儻枳棘叢爭侮老蒼一士
周秦論貴賤悠悠誰短又誰長

答永嘉徐戶曹枉投之作

魯人媚鐘鼓無以娛爰居得官如腐鼠何足嚇鵩雞徐侯
澹蕩人清言永嘉餘分曹復望衡不啻同隊魚君妊孤嶼
美予誇雙臺殊願言述風土山水勝情攄社約雞犬講鄰
環芻苢廬時聞煙裏磬偶曝花前書耆舊追黃李釣遊宛
里閭芒屨扶竹杖小摘翦園蔬忽復除書到丹楊縣嶽墟
一麾出老阮三宿戀浮屠拙製徒傷錦濫吹將澀竽理人
旣無筴操術恐終疎新詩餽我心襟佩投瓊琚行辭薊門
樹一泛宛溪汊沈鱗去京國籠鴈思江湖終把浮邱袖飄
然賦遂初先營三畝宅待子巾柴車

譚云阿熊
故自超

久潤

久溷諸曹陸楫郎尙能弄筆映窗光過江預想扁舟穩幾
點晴雲指歷陽

春遊漫興

春物暄妍甚春風披拂時春叢未放晴梢綠春麥初涵宿
露滋春水鱗鱗裁拍岸春陰漠漠復連陂西林鐘韻徐徐
發南陌人歸故故遲偶出鹿裘還帶索春游惟有一榮期
漫書四絕句排悶

邇來竊號比壺公吏隱蕭疎已禿翁昨與九華君有約招

予同隱一壺中

近刻二小印文云監鄆郡御
史又云九華今在一壺中

長安日瞰風沙客老得監州作幸民想見謝家山一曲明

窗斐几潤無塵

朱長文云江南土潤無塵其人多執雅愛此語以爲妙解物理

春樹朱顏一擲梭紛紛濁愛幻灰河把茆便欲陵陽住心

太平庵安樂窩

解脫涪翁十日留

崇甯元年壬午夏黃文節以吏部郎領太平州事九日而罷文節時年已五十

八真成無柁一虛舟石牛谷裏深深寺絕澗春淙自在流

集句贈宛陵進士呂權塍

相逢未穩還相送似是官曹錫與銅五畝漸成終老計九

華今在一壺中

坡沙上草閣雨新闌

杜

城西野桃尋小紅

谷

更吟君句勝啖炙

歐陽梅宛陵句

錦囊深褚幾春風

半山

將泛潞河留別子培子封

風風雨雨幾因依
深坐頻仍閉爨扉
源斷同尋過葦泚
寺樓共倚玩清暉
方回未許吾微尙
支遁無窮出辯機
欲別帝鄉行不得
君家黃耳亦牽衣

又

潞河未皺春來面
遷客星星久上頭
不惜年光如水逝
猶含別意爲君留
茱萸野岸翩躚蝶
茅店澄江澹宕漚
此去楊風隨所適
東尋石壁且行游

譚云自然高秀不假作用

和

秀水沈曾植子培

持戟金門有歲星
春風潞上偶揚舲
向來筐篋疲眞俗
喜領山川助性靈
醒醉別筵看總好
莊諧鄙論索誰聽
道情

拯溺平生意豈問迂儒抱一經

又

盼秩金門幾載留居然洛咏鎮西邁心光蜺蜺穿千古履
迹冥冥混眾流意氣蕭朱名過忝形骸王華邈非儔絃琴
挂壁從相乞異日移情海上漚

答子培枉示之作

吏曹真俗久相妨每謂機雲志一揚君徹藩柵常絕倒予
傾筐筥乞貧糧低頭小別辭東野草具曾留近北堂今日
離居黃篾舫爲雲終擬逐栖翔

又

拯溺自關良相事弱材豈足應時求心期祇辦逃三徑耳
學差堪附九流相與形骸真可外資生道孰待深譏歸來
同訪西山隱爭席還堪狎海漚

譚云世出世法味無味中

荒村

荒村離落布縱橫田犬遙聞隔水聲寂歷斜陽上高樹盤
紆卧柳護新坪漸抽宿麥無雅啄細刷春泥有犢耕坐看
來帆風力健虛舟吾自信天行

三日遇逆風到一處輒止

晚至楊村宿

出門三日風吹面晚泊墟煙又一村海氣森霏連赤岸市
聲迴合近黃昏官橋弱柳垂垂在野店春醪灩灩溫忽憶

言集卷三
光輝雙使節參軍衰白與誰論乙酉春隨掾節尚書錫公
皆過此一宿今兩公
墓草宿矣豈勝慨然

感舊

鴻臚迹與滄波杳太宰墳看宿草陳且貴頻年年入手莫
教一日日催人黃雞楚調誰家唱碧艸柳絲空復春濁海
橫流更何待欲磨蛟鰐使梁津

有懷海南潘孺老

海南萬里山明滅笑電流雲夢有無沙艸無端數叢碧塞
鴻不寄一行書故人蕭瑟冠椰子校吏紆迴剖竹符五嶽
倚垂藤杖約相攜禽向眞良圖

譚云瑟調入律曰適
曰怨情和不必言矣

陪泚陽使相讌集之作

陶冶羣材網八紘酒中軍令倍分明能容揖客開黃閣迴
注深杯倒碧瀛嘯吸喬松第嘉頌指麾暘雨作昇平獨慙
絲髮無裨補牛鐸虛陪奏鳳笙

道中書所見

漁陽無花表春色惟見蓼蓼江柳黃行客雙輪泥獨漉估
船一笛棹相將銀釵山葉走田婦缸面村沽瀝酒囊誰言
驛路風景惡粉壁題詩何郡郎時由津門復還都下
車中望西山頗爲薄雲蔽虧不甚明了

西山秀出四時碧今日卻羶煙霧空笑我兩行稽淖上幾

時雲起頌封中巖花香遶盧師坐亭篠青園退谷翁

北平孫侍

郎退谷在輪與衡雲都靜掃晴攬笑兀動昭融

卧佛寺旁

過野寺用前韻擬題

平生頗領物外趣迴向叢藍心地空試問疲牛溺泥裏豈
殊鈍鳥宿蘆中早知眾累生靈府晚悟浮緣障主翁洞下
試拈穿鼻孔門風真妄兩俱融

漫興

點點桃花紅欲燃不逢渌水照嬋娟擬要度世人遊世安
得忘言客與言溪上扁舟青蒻笠樽前宴坐紫苔錢楓齡
猶帶南州尉西塞煙波思渺然

題傳笏圖為翁陟夫閣校作

鄭公縱橫家亦涉盤盂書崎嶇困委鬱慷慨服鹽車低徊
隱忍歷事久不遇晚遇龍姿日表灑落開衣柳官家真氣
洞戶牖良臣再拜陳忠諫百三十事鉤爭提要書之笏善
敗一一工爬梳

玉海引中興書目鄭公諫錄五卷王繼撰集諫太宗凡一百三十事

笏今剝

泐地蚺似手迹猶留公榻渠流傳廿有二甲午

笏長周尺二尺四寸

有半陰面正書大唐貞觀八年臣某執凡九字時文貞年
五十有五歲在甲午先是由祕監官侍中歷數至明年正

復值甲午也

仿佛侍宴丹霄初開成舍人常進御

魏慈進笏事通鑑繫之文

宗開成三年戊午正月柳書魏公先廟碑文久缺不具近
同年陶中丞紹陝西藩條日治圃又得斷石數片文稍稍
完善豈藩署直文貞廩山撫部寶藏弄貞珉斷句後先出
故宅邪未可知也

光氣不得終蕪淤題詩神物志呵護

翁文勤公有長歌述得芻綠起

手澤

芝樹生庭除虛堂春陰似有雷雨作紅光紫電百轂將潛
舒出觀宜具服再拜予諷少直遺規攄杼上銳首象忠審
豐本厚下根深鉏版頭白筆注記便仗下紫囊鑿錯儲蒼
皮皴駁古松裂篆刻冲勁壇圭如大和孫追貞觀迹寶此
十襲皮精廬嗚呼隋氏改玉夫步徙真人御珽明堂裏啖
醕誰如羊鼻公捐金猶遜黃鶴子古來成名關遇合投水
沃石因時爾君不見中丞忠鯁無回撓急

敕防江副節使將軍不喜陳湯諫持節還杖韋叡箠苦戰
傷亡鼓猶振飢軍激厲甲未弛焚旗夜照紙薦飛碎堞朝

看木驢毀而矢還披北海書雲殲俄壓東城堡

定遠當漢東城地

請室旋書牘背辭繃膠不洗壺頭恥從容柴市

詔更生銜結玉門行萬里花馬池邊赤綠羣賀蘭山下槍
幡起銜鬚再拜戀

君恩手握笏囊耿猶視嗚呼孔道輔以笏擊虵段太尉以
笏擊泚法物旣非微流傳良有以孤臣終邀易名典此笏
屢兆門闢喜惠政猶留召埭祠前徽足繼甘棠美兩世華
光直

講筵文孫今又石渠仙媿予未得南牀侍樸直江湖芥匪
堅徒逐風塵持手版幾時繕寫述懷篇千年龜鑑猶堪續

一日驪歌思黯然

致仕前侍郎黃淑蘭丈李恕伯侍御繆小珊同年盛
伯義祭酒沈子培秋曹葉綠督王廉生黃仲弢吳子
修朱叔基文雲谷六太史親家王蒿隱樞部先後在
城西祖帳爲平原十日之飲率賦爲謝

傾城垂餞轍如雲俊顧君尉玉雪霽此日芳樽開杜曲他
時遠樹隔江雲
麟人許追中散告誓惟應老右軍
記取殷勤題壁字魚龍世事幾屯氛

留別小瀝巢

曉來滿院柳綿飛種樹成陰今幾圓
別汝淨名方丈去卷

簾風絮送春歸

題陽明洞天圖

元人黃子久畫

陽明子未生以前先有陽明之洞天道山延閣五萬卷蟄
室祕笈三千年山欽奇以戴土水蕩滌而成淵雲翳翳而
消半松夭矯以童顛石壁立以熊經窗疏明以洞穿蟻鳥
離羣而相和龜魚游泳以天全樵牧散放有閒意花藥芬
芭無俗妍前乎此者子久誠不知有陽明後乎此者陽明
亦無心遇子久龍場噫氣茁風雷天泉佳游抉障豁石闌
點筆富春交粉墨俄空世何有楊東里蔣蘿村
絹尾有士奇之印蔣氏長印不知流傳幾朝昏相皮誰辨將刳印信手依稀淡墨

皴元以前多用銅罩至明初王元章出新意篆刻始用花乳石此卷內黃公望二朱文印已刊勸審係銅鑄者

石蘿拂黛半昏黯繡池脫落題簽存此是良知眞實義雪
山韶濩見根源嗟我得畫亦偶然三復摩挲傳習編河汾
爪觜廢中說蜀嚴瘡聾輟太辛丹篆三爻夢吞後元氣一
畫未分前嗚呼眞儒不以洞天重竹花偶爾巢朱鳳洞天
亦豈藉人傳欲吐青邱九雲夢飛橋一道偃長虹神物千
年蟠玉甕竹林石筍亘連綿貝闕金堂森欲動人閒何地
無靈境一綫天光起功用

別園中草木

十年眞寄耳吾自信天慵蒼官招墨客慶汝得繁寔

子培
舅仲

將來住此屋

秋月嬾娟影春煙澹冶容去住吾何擇欣賞未能

同九鑽煎杏火十見沙棠紅請述園中物一一關離棕雙

桃蟠根大歲久柯如銅椿亦養長年風葉搖青蔥棗自抱

赤心赤心將安庸丁香花四出春纈翦瓊瓏黃竹不作實

穆滿瑤池空

去年所造種竹經冬皆枯惟西窗下有兩祇叢生意暢茂則前人所種數十年物也

祇

餘兩叢潛蒙密密光通赤松人無跡補種蓄深衷笙鶴一

以去抱蜀甘長終其餘多璣細叢生春泥融絳雷引啁雀

畫闌懸青蟲嗟予問道晚朽質困翳蒙退違深深息進乏

冥冥功符竹方爲藥石願吾攻今晨捨汝去笠簷泛短

篷鼎鼎百年內社燕送秋鴻庭莎亦有情曲徑青鞵蹤芝

菌寒未茁紫施已滋豐豈不戀三宿行將投五茸相忘於
道術去來理无窮養空在所泊念離匪傷冲保汝歲寒姿

鴛我冷然風

譚云津逮半山
衷韓孟而一

安般籀詩又續鈔卷癸終